

Jafnframt fellur úr gildi samþykkt um stjórn Vestmannaeyjabæjar og fundarsköp bæjarstjórnar nr. 196/1988 með síðari breytingum.

Félagsmálaráðuneytinu, 19. apríl 2000.

F. h. r.
Húnbogi Þorsteinsson.

Sesselja Árnadóttir.

REGLUGERÐ

**um breytingu á reglugerð, nr. 155/1995, um
þjónustu við fötluð börn og fjölskyldur fatlaðra.**

1. gr.

11. gr. reglugerðarinnar orðast svo:

Greiðslur til stuðningsfjölskyldu eru stigskiptar eftir fötlun og umönnunarpörf.

1. fl. Börn algerlega háð öðrum með athafnir daglegs lífs.

2. fl. Börn sem þurfa verulega aðstoð með athafnir daglegs lífs og gæslu.

3. fl. Börn sem þurfa minni aðstoð en skv. fl. 1 og 2 en þurfa eftirlit við athafnir daglegs lífs.

Svæðisskrifstofu ber að leggja til grundvallar ofangreindri flokkun tillögur sínar um greiðslur vegna umönnunar- og gæsluþarfar, sbr. reglugerð nr. 504/1997, á þann veg að 1. fl. samsvari fl. 1., 2. fl. samsvari fl. 2. og 3. fl. samsvari fl. 3.

Um greiðslur fyrir sólarhringsþjónustu fer með eftirfarandi hætti:

1. fl. fyrir sólarhringsþjónustu greiðast 8.300 kr.

2. fl. fyrir sólarhringsþjónustu greiðast 6.400 kr.

3. fl. fyrir sólarhringsþjónustu greiðast 4.800 kr.

Greiðslur fara fram hjá ríkisféhirði.

Greiðslur til stuðningsfjölskyldna skerða ekki aðrar greiðslur eða þjónustu sem hinn fatlaði eða aðstandendur hans kunna að njóta.

2. gr.

12. gr. reglugerðarinnar orðast svo:

Heimilt er í undantekningartilvikum að semja um dvöl hjá stuðningsfjölskyldu hluta úr sólarhring og er þá miðað við að dvöl fari ekki yfir 10 klst. á hverjum degi og að hámarki 50 klst. á mánuði. Um greiðslu fyrir þjónustuna er greitt tímakaup, 510 kr. fyrir hverja klst. Að öðru leyti gilda ákvæði 2. og 3. mgr. 11. gr. um greiðslur samkvæmt þessari grein.

Dvöl samkvæmt grein þessari getur ekki komið til viðbótar sólarhringsþjónustu skv. 11. gr.

3. gr.

13. gr. reglugerðarinnar orðast svo:

Greiðslur skv. 11. og 12. gr. eru verktakagreiðslur.

Fjárhæðir skv. 11. og 12. gr. koma til endurskoðunar við afgreiðslu fjárlaga ár hvert með tilliti til þróunar launa.

Kostnaður greiðist úr ríkissjóði en þó skal kostnaður vegna aksturs heiman og heim greiðast af þeim sem þjónustunnar nýtur.

4. gr.

Reglugerð þessi, sem sett er samkvæmt lögum nr. 59/1992 um málefni fatlaðra, öðlast gildi 1. júní 2000.

Félagsmálaráðuneytinu, 2. maí 2000.

Páll Pétursson.

Sturlaugur Tómasson.

4. maí 2000

Nr. 309

REGLUGERÐ

um breyting á reglugerð nr. 107/1997, um greiðslu kostnaðar vegna tollafgreiðslu utan almenns afgreiðslutíma eða utan aðaltollhafna og vegna sérstakrar tollmeðferðar vöru, með síðari breytingum.

1. gr.

3. gr. reglugerðarinnar ásamt fyrirsögn orðast svo:

Sérstök tollmeðferð vöru.

3. gr.

Þegar eftirfarandi þjónusta er veitt, skal sá er þjónustunnar óskar greiða kostnað vegna hennar sem hér segir:

1. *Bráðabirgðatollafgreiðsla:* Greiða skal gjald sem svarar til launakostnaðar tollstarfsmanna vegna tollskoðunar sem er nauðsynlegur liður í að bráðabirgðatollafgreiðsla vöru geti farið fram svo og aksturskostnaðar í tengslum við þá skoðun. Ekki skal greiða gjald vegna bráðabirgðatollafgreiðslu sem fram fer í tengslum við útflutning.
 2. *Mat á vöru sem hefur orðið fyrir skemmdum:* Greiða skal gjald sem svarar til launakostnaðar tollstarfsmanna fyrir þann tíma sem matið tekur svo og aksturskostnaðar í tengslum við matið.
 3. *Eftirlit með ótollafgreiddum vörum í geymslum sem fengið hafa sérstakt leyfi sbr. 65. gr. tollalaga:* Greiða skal gjald sem svarar til launakostnaðar tollstarfsmanna fyrir þann tíma sem eftirlitið tekur svo og aksturs tollstarfsmanna í tengslum við eftirlitið.
- Tollstjóri skal ákvarða gjald vegna þjónustu skv. 1. mgr. í samræmi við kostnað við veitta þjónustu hverju sinni. Á reikningi skal koma fram sundurliðun á skiptingu kostnaðar.

2. gr.

Reglugerð þessi er sett samkvæmt heimild í 4. mgr. 21. gr., 65. gr., 2. mgr. 145. gr. og 148. gr. tollalaga nr. 55/1987, með síðari breytingum, og öðlast gildi þegar í stað.

Fjármálaráðuneytinu, 4. maí 2000.

F. h. r.

Marianna Jónasdóttir.

Bergþór Magnússon.